

CHROMEBOOK OR FORISO & NAL GORÁ

Chromebook óiye dé oggwá maamuli laptop zibá Google or Chrome salooni nezám ot sole. Internet loi rabeta goijjá thaim ot Komputhar ókkol iin óre estemal goribólla bana giyé. Tuñár Chromebook oré nal goribólla, tuñáttu intharnéth or rabeta lagibó. Cúru goribar age, tuñáttu WiFi adde Internet Network or nam adde paswadh zana foribó, zibá loi tuñúi rabeta goribólla soór.

1. Chromebook óre sárá

Tuñár micin óre caárj dibollá caárj or tar lagaido and sáróni thip sibiyoré hibá ré sáró.




Sáróni thip asé uore den-hát or kunat

2. Tuñár Chromebook óre toiyar gorá

Zehón foilabar tuñár Chromebook ore sáríba, tuñúi Chrome marhá dehíba. Zehón Welcome window zahér óibó, **Let's go** nil thip sibo.


Tuñár zuban oré basiyóre cúru goró. Tuñár osól yáto fosón or zuban loi milifán gorí tuñúi hóróf lekóoni nezám ó basí faribá. Zodi zoruri, nil Accessibility thip ekteyar goríyóre foñósóoni tortib ókkol óre salu goró.



Let's Go nil thip sibo lagatar zaibollá

3. Connect to Network eskrin ot tuñúi soórdé network ot kilik goró.


Tarfore, **Open the Network** ot sibiyoré hémmikka lami aibó dé líis óttu oi network nam ot ekteyar goró zibá loi tuñúi rabeta goribólla soór. Tuñúi dehíba dé oinno network nam ókkol óiye dé atehañs ór gór yáto hazharbar or network ókkol góttigór báinggá-hiín óre nozor andaz goró. Ekkán asimbit window zahér ói aibó. Tuñár Wi-Fi paswadh góló ar Connect sibo. Zehón tuñár Chromebook gwá internet loi rabeta óibó, window gán ot tolat **Continue** thip ot sibo.



4. Tuñár Google Account ot gólá

Tuñár buniyadi Google ekóun loi tuñár Chromebook ot góló yáto oggwá nuwa ekóun bano zodi tuñáttu ageloti oggwá náide óilé. Oggwá ekóun bana beci aásán, sárme sóbbat hé babote cíkka ókkol soó. (Yad rakó: Ekóun ibá ré malek hisáfe raká zaibo ar híba óibó dé siróf oggwá ekóun zibá ye Chrome or baáz tortib ókkol óre larifaribó dé).

- Google ekóun ókkol óiye dé Chromebook ókkol óre furafuri báfe estemal gorár dorza ókkol. Zodi honó kiyé tuñár laptop udár lor de óile, tuñúi thaim thaimé gorba hisáfe estemal gorifaribá. Chromebook ókkol óre ekóun loi solazade, ar Google hédmot ókkol beggún ekéla zaati ókkol loi juçaiya, hian é komputhar ókkol ciyar gorá ré beec aásán goijjé, kióllahoilé, fotti oggwá ekóun or maalamat alog alog.



Tuñáttu oggwá Google yá Gmail ekóun tákile híba loi góló

5. Oggwá Google Account bana

Foíla **More Options** sibo, tarfore ayérrddé buniyadi maalamat gín do:

- Tuñár nam góló.
- Ekkán kitábinam basó.
- Oggwá doró paswadh basó zibá ré andaz goríte mockil.
- Héene oggwá tarik góló zodi tuñár foidaeci tarik zahér nogoríle.
- Tuñár phún nombór adde oggwá bодоilla eméil góló, tuñár paswadh búlízade súurot ot híba ré dubara banaibólla. Gair maamuli hórkot or súurot ot tuñár ekóun óre maháfuz rakíbólla maalamat iin ó estemal goráza. *Maalamat iin góláibóllá tuñáttu zoruri saánozaibó.*
- Terms of Service and Privacy Policy óre saáiyóre kobul gorár kuthá ekteyar goró.

6. Welcome!

Tuñár ekóun banai baade, tuñúí Google or estekbal sóbba dehíba zibá ye tuñár ekóun ot buniyad ókkol óre deháibo.

Zehón tuñúí login goriba, Google Play hédmot ókkol ór córót ókkol tuñáre diyazaibo, zeçé tuñúí tuñár micín ólla ejazot ókkol yáto fosón ókkol óre tortib difaribá. Hían é tuñáttu fusár goribó honó tuñúí Google Drive or bekáp óre bekar gorí dibane.


More adde **Use Location** óre sibo (zeçé app adde hédmot ókkol é tuñár Chromebook or zaga estemal goribó). Fufaruri fáida tulíbólla Google é ciz iin ór wosiyot goré. **Accept** sibo zehón tuñátt mukommol óibó.

Google hédmot ókkol tortib ókkol zeçé zaga adde bekáp or súurot ókkol cámel asé, **Accept** nil thip sibo lagatar zaibóllá.


Buniyadi nezám nal gorá mukommol óiye, akhéri ekteyari kodom óiye dé tuñár Chromebook oggwá sáir gorá ré ekteyar gorá. Sáir or fotti kodom oré ettebá goró, hían becí joldi ar maalamati. Zodi tuñúí hían goribólla nosailé, uore den-hát or kunat tuñát X sibi faribá.

Súwál ókkol?


Mozíd modot óllá, ekkán eméil difeçó eçé:
connectingportland@portlandoregon.gov




More options sibo oggwá nuwa ekóun bana forer de óilé




Nam, soórrddé eméil thíkána, ar paswadh goló




Ekteyari maalamat adde oggwá tarik góló, tarfore sibo Next



I agree nil thip sibo lagatar zaibóllá



Google hédmot ókkol tortib ókkol, zeçé laga adde bekáp or súurot ókkol cámel asé, **Accept** nil thip sibo lagatar zaibóllá



Chromebook or mozíd húsúsiyot ókkol ór babote zanibólla **Take a Tour** nil thip sibo.